

Kakien ko rej wōnmaanlōk wōt im̄ wor kajjimwe ko im̄ kōkmanmanlōk ko ie ālikin jet ien. Ñan kajjimwe ko rekāal tata, jouj im̄ etal ñan
<https://sakeiz.sharepoint.com/qam/SitePages/Home.aspx>

1. District eo an Jikuuł ilo Salem-Keizer ej kaṃool ñan kōjparok ājmour eo im̄ jokne eo an aolep ro uwaan jikuuł kein ad. Kakien in ekitbuuj kōmman ko me rej bōk jikin ilo jikuuł eo, ilo ijoko me rej an jikuuł, ilo ijoko jermal ko im̄ maṃkūt kūt ko an jikuuł rej bōk jikin ie, ilo baj ko ak wa ko waan jikuuł im̄ jikin bōjrak ak ekto im̄ ektak ko an baj ko, im̄ ilo maṃkūt kūt ko an jikuuł im̄ rej kōmman itulikin jikuuł me ewor rijerbal ro an jikuuł rej pād ie. Kakien in ej ñan aolepen jukjukin pād eo an jikuuł, ekoba rikatakin ro, rijerbal ro an jikuuł im̄ district, rijikuuł ro, im̄ maṃa im̄ baba ro/rikōjparok ro. Rijjipaṃ ro ejjełok oṃaer renaaj bar dełōñ iumwin kakien in ilo aer pād iumwin tōl im̄ karōk eo an jikuuł ak rijerbal ro an district. Kakien in enaaj barāin wōt kitbuuj wāween uwaak ko an jikuuł rekkar ilo iien eo ej bōk kōjjełā ikijjeen m̄wil ko me rej kwałok an juon armej kajjeoñ bōk mour eo an make ak kōmman bwe en make pād ilo juon jekjek eo ełap an kauwōtata im̄ ej bōk jikin itulikin ijoko jikin jikuuł.
2. **Bōbrae**
 - 2.1. Wāween Kajejjet Kitien Kakien ko an District – Superintendent eo ak armej eo eṃōj an district in jitōñ e bwe en eddoik ekkālel enaaj kālet juon rijerbal eo enaaj lolorjake aolep jermal in bōbrae an juon armej bōk mour an make im̄ joñan utiej in jermal in epād ilo district. Armej in kālet e emaroñ in juon iaan rijerbal ro an jikuuł im̄ ej jermal ilo tōre in. Rijerbal in lolorjake aolep jermal in bōbrae an juon armej bōk mour eo an make ilo district in enaaj eddoik karōk in im̄ kōjjeikiki wāween kajejjet kitien kakien in ñan district eo an jikuuł.
 - 2.2. Kajjojo ritōl an jikuuł ko enaaj kālet juon iaan rijerbal ro ilo jikuuł ko aer bwe en e eo ñan kepaake ñan bōk mełełe ikijjeen abṃōṃō ko im̄ rejelet jermal in bōbrae an juon armej bōk mour an make im̄ wāween kajejjet kitien kakien ko. Armej in emaroñ in juon iaan rijerbal ro an jikuuł im̄ ej jermal ilo tōre in.
 - 2.3. Aolep rijerbal ro raikuj in ripooti āt ko etan rijikuuł ro me rej tōmak bwe repād ilo juon jekjek eo ełapłok an kauwōtata im̄ remaroñ bōk mour ko aer make im̄ āt kein naaj liłok ñan ritōl eo an jikuuł im̄/ak rijerbal eo ilo im̄ōñ jikuuł eo eṃōj jitōñ e.
 - 2.4. Rijerbal ro an jikuuł rej jermal wōt ilowaan mālim eo im̄ joñan depakpak in maroñ ko ak ļaijen ko aer. Kakien in ej jab kōmālīm ak rōjañ bwe juon rijerbal an jikuuł en kōmman jermal in etale ak kemour nañinmej in kōlmānłokjen ijellōkin wōt ñe rijerbal eo eṃōj kalikkar bwe ewor an ļaijen im̄ ej jermal eo an in ñan kōmmane wāween in.
 - 2.4.1. Ikijjeen an wor armej ej kajjeoñ bōk mour eo an make ilowaan jikuuł, rijerbal ro raikuj in ļoore buñtōn ko ilo INS-W054-InSchool Suicide Attempts im̄ ñan iien ko armej ej kajjeoñ bōk mour eo an make itulikin jikuuł, rijerbal ro raikuj ļoore INS-W055-Out-Of-School Suicide Attempts.
 - 2.5. Kaddōkłok Jełā ko an Rijerbal – Aolep rijerbal renaaj ṃokta bōk diktata ruo awa, in kamminene ko enaaj pād ie im̄ rej kōn bōbrae an juon armej bōk mour an make.
 - 2.6. Ālikin kamminene in kein kajuon, enaaj wor kamminene ko tokālīk aolep iio ñan kaddōkłok jełā ko ikijjeen ṃool ko rej kwałok kadkad in menin kauwōtata, kōkaļle ko rej kalikkar an wor kauwōtata, ṃool ko an kilen kōjparok, wāween jermal ak uwaaki, wōn ro naaj jilkinłok ñan er ñan bōk jipaṃ, ta ko ñan kōmmani ālikin an ṃōj an juon armej bōk mour eo an make, im̄ kein jipaṃ ko ikijjeen bōbrae an jodikdik ro bōk mour ko aer make im̄ aolep men kein renaaj liłok ñan rijerbal ro. Kamminene ko ñan kaddōkłok jełā ko an rijerbal remaroñ kobaik ełapłok mełełe ko ikijjeen doulul in rijikuuł ro repād ilo jekjek in mour eo ełapłok an kauwōtata ñan joñan eo remaroñ in bōk mour ko aer make, ekoba ro me ewor aer nañinmej in jorrāan kōlmānłokjen im̄/ak nañinmej in kōjermal uno ko rekajoor, ro me remaroñ

kökkure er make ak emöj aer kar kajjeon bök mour eo aer make, ro rej jokwe ilo jikin ko watöki rej päd naböj in mweo, ro ejjeļok mweer imön jokwe, rijikuuļ ro rej RiAmedka RiIndian/RiAlaska, rijikuuļ ro rej LGBTQ (lesbian, gay, bisexual, transgender, and questioning ak körä ro reköñaan wöt körä, emñaan ro reköñaan wöt emñaan, ro reköñaan jimor emñaan im körä, ro rej kile er ilo jekjek eo eoktak jan änbwinnier ak emaroñ e emñaan ak ej ļomņak e körä, im ro repäd ilo kajjitök wöt ak ej jab lukkuun alikkar ta er), rijikuuļ ro repäd ilo aer büromöj kön an kar wor juon eo ilo mour eo aer me emöj an bök mour eo an make, im ro repäd ilo elön kain nañinmej ko ak jet kain mōjņo ko an änbwin.

2.6.1. Meļeļe ko jet ñan kaddöklök jeļä ko an rijerbal ikijjeen jermal in etale kauwötata ko im kaböjrak jorrään ko reļļap naaj leļok ñan rijerbal ro an jikuuļ emöj kälet er bwe ren er ro rej eddoik leto letak meļeļe ikijjeen böbrae an juon armej bök mour eo an make.

2.7. Bürookraam In Böbrae An Jodikdik Ro Bök Mour Ko Aer Make – Kein ekkatak ko rekkar, im rej pedped wöt ioon rijikuuļ ro, naaj kobaiķok ippän katak ko an jikuuļ ilo kilaa K-12. Kobban katak kein emöj karöki ñan iio ko an rijikuuļ ro im renaaj koba: 1) aorök eo an kälet ko ikijjeen köjparok im äjmour im köttöbalbal ko ak wāween jerbale abñöñö ko, 2) wāween kili mool ko me rej kwaļok kaddak in kauwötata ko im kökaļle ko relukkuun kauwötata an nañinmej in kölmānļokjen im an juon armej ak ro jet köñaan bök mour ko aer make, 3) jipañ kappok köttöbalbal ko remñan ñan juon armej ak ro jet, ekoba wāween köjermal kein jipañ ko an jikuuļ im wāween leļok etan ro mōttaer bwe ren bök jipañ. Im barāinwöt, jikuuļ ko remaroñ in kömñan bürookraam jiddik ko rej jermal ippän kumi in rijikuuļ ro reiet ikijjeen böbrae an juon armej bök mour eo an make.

2.8. Liküt ilo Jeje im Aje – Kakien in enaaj ajejaolep iio im naaj bar kobaiki ñan lowaan aolep bok in töl ko an rijikuuļ im rükaki im ilo website ko an jikuuļ im district eo.

3. Jermal in Etale im Leļok Ät

3.1. Iien eo emöj an juon rijerbal kalikkar e juon rijikuuļ äinwöt emaroñ in ļomņak in bök mour eo an make, waanjoñak, ej könono kön bök mour eo an make, kwaļok jet kaddak in kauwötata ko äinwöt wudidid im kadök, ej kömetak ak kökkure e make, ak juon rijikuuļ emaroñ leļok etan make ñan kappok jipañ, rijikuuļ in enaaj loe ritöl eo an jikuuļ ak rijerbal eo emöj kälet e im rijikuuļ eo enaaj kömñan juon Level 1 Suicide Risk Assessment (SRA) ak jermal eo ej ļāböl 1 ilo etale kauwötata ko rejelet an juon armej kajjeon bök mour eo an make.

3.2. Ñan jodikdik ro repäd ilo lukkuun kauwötata im maroñ kajju bök mour ko aer make ak kökkure er make:

3.2.1. Rijerbal ro an jikuuļ renaaj wönmaanļok wöt im lale wöt rijikuuļ eo ñan kalikkar ke ej päd ilo wöt köjparok.

3.2.2. Būrinjiböl eo im rijerbal eo an jikuuļ ej eddoiki lolorjake böbrae an juon bök mour eo an make renaaj aikuļ in jeļä kake jekjek in ewaļok ilo iien eo emōkajtata.

3.2.3. Rijerbal eo an jikuuļ emöj kälet e ak ritöl eo an jikuuļ enaaj kūr ļok māmā ak baba ak rikōjparok eo an rijikuuļ eo, äinwöt an kömeļe ilo jāākjen eo an Wāween Kōjjeļāik Māmā im Baba ro im Wāween Aer Bök Koņāer.

3.2.4. Parent/Guardian Interview Form ak boom in bök meļeļe ippän māmā im baba ak rikōjparok eo naaj kadedeļok, im naaj jipañ baamle eo kön wāween kömñani pepe ko ñan köjparok me rej pedped wöt ioon jermal in etale kauwötata in an kajjeon bök mour eo an make. Ilo iien eo ekkar, men in emaroñ kobaik an kūr ļok jermal in jipañ ko an iien idiñ ko, bökļok rijikuuļ eo ñan jikin emergency eo an bukwoñ eo, ak köjermal jemjerā ko ippän jikin äjmour ko jet ilo bukwoñ eo ñan

kadedeḷok juon Level 2 Suicide Risk Assessment (SRA) ak jermal eo ej ḷābōḷ2 ilo etale kauwōtata ko rejelet an juon armej kajjeoñ bōk mour eo an make iṃ jermal in enaaj kōmṃan ilo ijo jorrāan eo ekar bōk jikin ie.

3.2.5. Rijermal ro renaaj kajjitōk ippān ṃaṃa iṃ baba ak rikōjparok eo an rijikuuḷ eo kōn mālimeo aer ilo jeje nān an rijermal ro maroñ in kōnono kake ājmoure eo an rijikuuḷ eo ippān jikin ājmour ko itulikin jikuuḷ eo, eḷaṃṃe ekkar.

4. Wāween Jerbale Bar Kōrroḷ Tok Rijikuuḷ Nān Jikuuḷ Ālikin An Kar Wor Jorrāan in Nañinmej in Kōḷmānḷokjen

4.1. Nān rijikuuḷ ro rej bar roḷ tok nān jikuuḷ ālikin an kar wor aer jorrāan in nañinmej in kōḷmānḷokjen (waanjoñak, kar kajjeoñ bōk mour eo an make ak kar deḷoñ iṃ pād ilo aujpitōl kōn nañinmej in kōḷmānḷokjen), ritōl eo an jikuuḷ iṃ rijermal eo an jikuuḷ eṃōj kālet e renaaj kōnono ippān ṃaṃa iṃ baba ak rikōjparok eo an rijikuuḷ eo, iṃ eḷaṃṃe ekkar, kōnono ippān rijikuuḷ eo nān ejaake juon pepe in wāween kōjparok rijikuuḷ eo iṃ wāween an rijermal ro an jikuuḷ jipañ rijikuuḷ eo.

4.1.1. Naaj kile juon ritōl an jikuuḷ ak rijermal eo an jikuuḷ eṃōj kālet e nān an lolorjake wāween bar kōrroḷ tok rijikuuḷ eo ilo an jermal ippān rijikuuḷ eo ak ṃaṃa iṃ baba ak rikōjparok eo an. Rijermal eo an jikuuḷ eṃōj kālet e iṃ/ak ritōl eo an jikuuḷ naaj kappukōt mālim eo nān maroñ jermal ippān jabdewōt taktō in ājmour an kōḷmānḷokjen.

4.1.2. Jikuuḷ eo ak district eo enaaj kajjitōk bwe ṃaṃa iṃ baba ak rikōjparok eo bwe en letok peba in taktō ko ilo ejjeḷok oñāan iṃ rej jān taktō in kōḷmānḷokjen eo me rijikuuḷ eo ekar taktō ippān iṃ kar etale ājmour eo an rijikuuḷ eo iṃ lo bwe e ejako an menin kauwōtata nān e make ak ro jet.

4.1.3. Kōjparok meḷeḷe ko ilo ṃojak ej juon men eo elukkuun in aorok nān kōjparok rijikuuḷ eo iṃ ekōmṃan bwe rijermal ro an jikuuḷ ren maroñ leḷok jipañ nān e. Ritōl eo an jikuuḷ iṃ/ak rijermal eo eṃōj kar kālet e enaaj kōnono ippān rijikuuḷ eo iṃ ṃaṃa iṃ babaro ak rikōjparok eo an kōn meḷeḷe ko me rej kalikkar ta ko rijermal ro rej aikuḷ jeḷā kaki nān aer maroñ jipañ rijikuuḷ eo kake aikuḷ ko an ikijjeen katak ko an, iiaio ko an, eñjake ko an, iṃ ānbwinnin.

4.1.4. Rijermal eo eṃōj kar kālet e enaaj aolep iien lale ippān rijikuuḷ eo iṃ ṃaṃa iṃ baba ak rikōjparok eo an nān an jipañ rijikuuḷ eo bwe rijikuuḷ eo en maroñ bar kōrroḷ tok an jeḷā ṃakūtūt ilo jikuuḷ eo iṃ jeḷā jerbale jabdewōt abṃōḃō ko me rej pād wōt ippān.

4.2. Rijikuuḷ ro me rej būromōj wōt kōn aer kar kajjeoñ in bōk mour ko aer make naaj bōk jipañ jān ritōl eo an jikuuḷ iṃ/ak kōṃjeḷor eo an jikuuḷ.

Wāween Kōjjeḷāik ṃaṃa iṃ Baba ro iṃ Wāween Aer Bōk Kōṃaer

4.3. Ilo iien ko me eṃōj kar etale iṃ lo bwe juon rijikuuḷ ej pād ilo kauwōtata in an kōṃaan bōk mour eo an make ak eṃōj an kar kajjeoñ in bōk mour eo an make, ṃaṃa iṃ babaro ak rikōjparok eo an rijikuuḷ eo renaaj bōk kōjjeḷā jān ippān ritōl eo an jikuuḷ, rijermal eo eṃōj kar kālet e, ak rijermal eo etijemḷok kōn ājmour in kōḷmānḷokjen ijellōkin wōt ñe meḷeḷe ko ilo jāākjen 4.6 rej bōk jikin.

4.4. Eḷaṃṃe rijikuuḷ eo ekar kwaḷok jabdewōt kain ṃwil ko rej kwaḷok kadkad in an kōṃaan bōk mour eo an make, ṃaṃa iṃ baba eo ak rikōjparok eo aikuḷ in kōṃjeḷ kake “means restriction” ak kōmṃan joñan maroñ ko, nān kōmṃan joñan men ko bwe ajri eo en jab maroñ kōjermal nān an kajjeoñ in bōk mour eo an make.

4.5. Rijermal eo enaaj barāinwōt kajjitōk mālim jān ṃaṃa iṃ baba eo nān an kōnono ḷok ippān jikin taktō in kōḷmānḷokjen ko itulikin jikuuḷ ikijjeen ajri eo nejier.

4.6. Ālikin kōnono ippān rijikuuļ eo, ritōl eo an jikuuļ ak rijerbal eo eñaj etale eļaññe ej wor wōt menin uwōta kake rijikuuļ eo ilo an naaj maroñ kōkkure e make kōn wōt an kar jikuuļ kōjjeļāik ļok mañña iñ baba ak rikōjparok eo an. Eļaññe ritōl eo an jikuuļ, rijerbal eo eñaj kar kālet e, ak rijerbal eo an jikin ājmour in kōļmāñļokjen ej tōmak, pedped wōt ioon joñan kapeel ko aer, bwe kōjjeļāik ļok mañña iñ baba ak rikōjparok eo emaroñ kōmñan bwe ājmour ak mour eo an rijikuuļ eo en pād ilo kauwōtata, innām remaroñ in karuñwiļok kōjjeļā ñan mañña iñ baba ak rikōjparok eo joñan wōt an ekkar. Eļaññe eruñwiļok kōmñan kōjjeļā, un ko unin an ruñwiļok kōmñan kōjjeļā naaj likūti ilo rekoot. Eļaññe emenin aorōk, naaj kōjjeļāik ļok rutiej ro rekkar.

5. Jerbal ko rej itok Ālikin an wor Mej ilo An Juon Armej Kar Bōk Mour Eo An Make

5.1. Iien eo eñaj kajtata ālikin an juon rijikuuļ mej jān an kar bōk mour eo an make, ritōl eo an jikuuļ iñ tiim in lolorjake jorrāan ko reļļap renaaje jaake juon pepe in jermal ñan tōl jikuuļ eo ikijjeen ta ko enaaj kōmñani ñan men eo ewaļok ekkar ñan bok in tōl eo an tiim in lolorjake jorrāan ko reļļap ña etan Crisis Team Manual eo an jikuuļ. Pepe in jermal in emaroñ in koba, bōtaab ejjab men kein wōt:

5.1.1. Ritōl eo an jikuuļ enaaj kūr ļok baamle eo an armeje eo eñaj an mej ñan leļok jipañ ñan er.

5.1.2. Ritōl eo an jikuuļ enaaj kūr ļok Office of Community Relations and Communications ñan kōjjeļāik opij ko rekkar iñ lale ta eo tiim in lolorjake jorrāan ko reļļap enaaj kōmñane.

5.1.3. Ritōl eo an jikuuļ, Office of Community Relations and Communications eo, iñ tiim in lolorjake jorrāan ko reļļap naaj etale jekjek in ta eo e waļok ñan lale ta jermal in jipañ ko naaj kōmñani ñan men in.

5.1.4. Rijerbal eo eñaj kar kālet e enaaj jermal ippān Local Mental Health Agency (LMHA) eo ak ra eo an jikin ājmour in kōļmāñļokjen eo an bukwoñ eo iñ ritōl ro an jikuuļ ñan jinoi jermal in jipañ ko ilo jukjukinpād eo ñan jikuuļ eo (ko) me ejelet er.

6. Bar Etale Jerbal in Kabōjrak An Juon Armej Bōk Mour Eo An Make

6.1. Armej remaroñ in kajjitōk ippān district eo an jikuuļ ñan an bar etale jermal ko an juon jikuuļ ilo an uwaak ñan kauwōtata in an juon armej bōk mour eo an make ilo aer kūr ļok ritōl eo eutie iñ ekkar.

6.2. Jabdewōt bar etale ko naaj pedped ioon jekjek in mour eo rijikuuļ eo epād ie iñ jimwe ko an ilo kien eo ioļap ak federal iñ ekoba ko repād iumwin HIPAA iñ FERPA barāin wōt kakien ko an rijerbal ñan kōjparok mejele ko ilo ñojak.

Aolep Iien Kajjimwe Ko Maantak:

Raan	Kōmejele
9/23/19	Kakien kāal
9/30/19	Kōkāal jāakjen 4.1.2.
10/8/19	Jidik kajjimwe ilo jāakjen 6.1.4, 5.4, iñ 5.1.

Kōmālim Jān Ippān: Cabinet _____